

Transkription von Urkunde SWN 1365b

Ort, Datierung: Schwerin, 1365-09-21

Signatur: Landeshauptarchiv Schwerin, Rep. 1, Familienurkunden, von Hardenack 1

Inhalt: Hennecke Hardenacke: Eidspruch

Bemerkung: Archivdatum 1365-02-24; da der genaue Zusatz zum Festtag fehlt, Datierung unsicher;
anderes Datum: 13.10.1363

Ik henneke hardenacke bekenne openbar vnd betuge in dessem briue wente die hochgeborne / vorste
her Albrecht hertoge tu meklenb(or)g mi liue gnedige here nu van gnaden gegeue heft / sin hulde vnd
ene stede gantze sone . vm(m)e allen broke vnd schelinge de hie iegen mi hadde / so hebbe ik em
gelouet vnd loue in dessem briue dat ik sin siner erue hertoge Johans / sines bruder m(i)ns here vnd
siner erue vme nener leie scult oder sake vnd bi name / nenerleie wis vnd numer viant wesen scal oder
w(er)den vnd eren landen manne vnde / vnder saten numer hinde(re)n oder schaden Ja en schege van
mi(n)s rechten here wegen dar ik / husseten vnder we(ren) oder worde dem ik van ere wege müste
behulpe wesen oft scelinge tus/chen mine heren van meklenb(or)g vorbenomed vnd deme sik[ulûm ?]
Vortm(er) [nu] / hebbe ik gelouet als vor vnd loue . oft scelinge vnd twidracht tuschen den die met
mine here / vorb(enomede) in vintscap sitten vnd mi worde oder were dat ik em ouer die [liken] vnd
rechten [mik ...] / hore scal vnd wil die wile ik sin man bin dest hie mi des iegen sie behelpe mach vnd
wil binne vir / weken dar na wan ik ene dar vm(m)e bidde vnd esche We(re) ouer dat hie mi binne den
vir weke(n) liker vor vngelike oder rechtes ouer sie dar ik sie vm(m)e sculdige die in vintscap met em
sitte / nicht behelpen müchte oder wolde . oft ik mi denne wes sulue behelpe müchte . vt enes an/dern
heren lande . dar scal ik vnd mine medeloue(re) vme ane allen broke vnd not iegen em / vme Eid ?
gelouede vnd dessen briff ewichlike wesen vnd bliue . dat loue met mi mine liue / vru(n)t Her kersten
Besel ridder Chietze . van zernÿn heningh prien vnd [yan id(e) ?] Clawe / knechte den vorb(enomeden)
mine(n) liue(n) here hern Albrechte vnd Johanne sine brude(re) hertoge An me / klenb(or)g vnd ere
rechte(n) erue(n) stede vnd vast tu holdende met vestinge desses briues besegelt / met vnsen ingsegln
Geue tu zwer(in) na godes bort druttein hund(er)t iar in dem vif vnd / sestigstem iare in sunte mathias
dage des hilige(n) apostel /